



UNIVERSITÄTS-
BIBLIOTHEK
PADERBORN

**Cl. Viri Valerii Andreae Desselii In Academia Lovaniensi
Professoris Regii Erotemata Juris Canonici**

Andreas, Valerius

Coloniae, 1697

XI. De infantibus & languidis expositis.

[urn:nbn:de:hbz:466:1-62934](https://nbn-resolving.org/urn:nbn:de:hbz:466:1-62934)

mortuus reperiatur, nec appareat, utrum à patre vel à matre oppressus sit, vel suffocatus, extra culpam omnem non sunt parentes, indiciturque pœnitentiâ trium annorum, quorum unum peragant in pane & aqua, si quidem peccasse in eo intelliguntur, quod infantem in communem lectum recipiendo, periculo oppressionis vel suffocationis exposuerint. Qui matrem occiderit, eodem Jure pœnitere debet per decem annos, juxta formam præscriptam. At verò, qui parentem per furorē occiderit, impunitus manebit; nam sufficit eum furore ipso puniri, *l. penult. §. fin. ad L. Pompej. De parricidiis, l. 14. De officio Præsidis.*

c. ult. h. tit.

in Can. Latorem xxxiiii. qu. 2.

De Infantibus & Languidis expositis.

TIT. XI.

Omni quoque inhumanitate & crudelitate referti sunt, & tantò deteriores homicidio, quantò calamitosioribus id inferunt, inquit Justin. qui scilicet infantes ac minores septennio exponunt, seu abjiciunt, ut vel pereant, vel ab alijs, commiseratione moris, suscipiantur & alantur. Etenim

Novel. 152. in fine.

can. si expositus dist. 27

R 5

nim

*l. Necare
4. de de
agnosc.
& alen.
lib.*

**L. 2. C.
eod. l. nec
filium C.
de patr.
potest l. 1.
§. pœna.
D. de ag-
nosc. lib.*

nim necare videtur non tantum is, qui partum præfocat, sed & is, qui abjicit, & is, qui alimenta denegat, quippe publicis locis. misericordie causâ exponit, quam ipse non habet.

Qua est pœna exponentium infantem?

Digni sunt pœna homicidii. * Et si pater fuerit, amittit Jus patriæ potestatis; si Dominus, Jus dominicæ potestatis, non tantum si ipse exposuerit, sed & si ab alio expositum sciverit, vel postea ratum habuerit; atque ita expositus hoc ipso consequetur libertatem, utraque pœnam, quam meretur exponens filium vel filiam, privatur successione filii, seu filia, ab intestato decedentis. Nam eo casu expositus videtur incertum parentem habere, qui filio non sit dignus, cum filium indignum se existimaverit, & proinde meriti omnium utilitate ex eo proveniente carere debeat.

Qua est pœna exponentium languidum?

Idem Juris est in languidis, (id est, sic viribus ob infirmitatem deficientibus, ut ad omnem pene operationem sint inutiles) ita expositis, cuiuscumque ætatis fuerint, sive infantes, sive Majores. Qui tamen hos suscipiunt, non ac-

quirunt per hoc in personas ipsorum aliquod jus, licet aliud Jure Cod. Theodos. obtinuerit, ut videre licet apud *c. fin. h. r.* Gregor. Tholosan. *Syntagm. iuris Vni-*
vers. Lib. 2. c. 10. n. 3.

An impensas repetere potest alens ex-
positum?

Quas Impensas repetere possit is, qui infantem expositum aluit, brevitatis causa vide apud Azor. ubi tradit, omnia, quæ de parentibus exponentibus *2. v. Mo-*
Infantes statuuntur Jure Civili vel Ca- *ral. inst.*
nonico, obtinere in iis, qui per se vel *Lib. 2. c.*
per alios commode filios suos alere *10.*
possunt: si verò præ inopia vel egestate aut sine dedecore & ignominia eos alere nequeant, curent, ut in Hospitali saltem aliquo, ad hoc pietatis officium exstructo, educantur, prout de servo statutur in *L. 1. C. de Latina Libertate tollenda.*

De homicidio voluntario vel casuali.

TIT. XII.

Hominem quoque vitæ hominis insidiari nefas esse, ipsa natura dicitur, quæ cognationem quandam inter omnes homines constituit.

R 6

Quid